



www.lytteltonoos.org.za

Sondag 12 Februarie 2006

Wat is 'n lewe in oorfloed?

ONS GEMEENTE SE DROOM - KLIK HIER

NEEM KENNIS VAN DIE VOLGENDE BELANGRIKE SAKE / INLIGTING

BLOKBYEENKOMSTE

Blok Een: Sondag 19 Februarie 12:00
(Tussen Trichardt en Molteno + LMB en K/sig)

TIENER-MENTORS

Belangrike vergadering Sondag 12 Februarie
om 16:00

MOSAÏEK

Eerste byeenkoms Sondagaand om 19:00. Sien
hieronder

LEWE-IN-OORVLOED 40 DAE FOKUS

Begin 1 Maart om 19:00 (Nagmaal)

AKSIE TWEE +

Volgende byeenkoms 26 Februarie om 12:00
Die brein-ontwikkeling van die kind

ADORAMUS

Aanbidningsdiens. Volgende geleentheid 15
Maart om 20:00

GEBEDSBEDIENING

Elke Sondag om 09:00 in gebedskamer. Kontak
Hannelie du Preez by 082 908 3992

EERSTE DIENS 09:00

TWEEDE DIENS 10:30

HOOP & herstel

VIR STUKKENDE MENSE

SONDAE 29 JAN -19 FEB

Die lewe verwond mense. Mense loop met stukken en seer plekke rond. Hulle bloei met bloed wat nie gesien kan word nie. Hierdie wonde kon veroorsaak word deur hulle eie toedoen of deur ander se toedoen. Hoe genees God hierdie wonde?

Kaart na kerkterrein

Energie vir die LEWE!

SONDAE 29 JAN - 12 FEB

Om te lewe tap 'n mens. Ons is dikwels emosioneel, geestelik en intellektueel uitgeput. Dis 'n soort moegheid wat nie met 'n nag se slaap of met 'n vakansie herstel kan word nie. Waarheen gaan ons as ons moeg en oorlaai is?

Laai boodskappe af



IS JY MOEG VIR DIE GEWONE?

IS JY LUS VIR IETS BESONDERS?

DAN IS MOSAÏEK VIR JOU!

MOSAÏEK

"Mo-sa-ïek' (-e) Mengeling van uiteenlopende bestanddele..."

Beleef dit!

Ons begin Sondag 12 Februarie om 19:00 in die kerkgebou

FOKUS-KRAG

Laserstrale is hoogs effektief omdat dit so gekonsentreerd en gefokus is. As ons werklik verlang na 'n lewe in oorfloed (liefde, vreugde, vrede) dan moet ons ook gereeld fokus op belangrike verhoudings in ons lewens - ons verhouding met ons hemelse Vader, ons onderlinge verhouding met mekaar as mede-gelowiges en gesinne, asook ons verhouding met mense wat God se liefde ontbeer. **Daarom gaan ons as gemeente vir elkeen van hierdie drie verhoudings 'n tydperk van 40 dae opsy om te fokus** - net soos ...

♦ Jesus wat vir 40 dae gefokus het op sy verhouding met sy Vader

♦ Moses vir 40 dae in die wolk by die Here was toe hy die 10 gebooue ontvang het én toe hy vir 40 dae voor die Here gelê en bid het vir die volk.

♦ Jesus wat vir 40 dae na sy opstanding sy dissipels aangaande



die dinge van koninkryk onderrig het.

Die datums is as volg:

40 fokus op ons verhouding met God:

1 Maart - 16 April

40 fokus op ons verhouding met mekaar:

30 April - 11 Junie

40 dae fokus op ons verhouding met die wêreld

6 Augustus tot 17 September

Ons fokus deur alle eredienste, kleingroepbyeenkomste en individuele stiltetye vir 40 dae te rig op die betrokke verhouding.

WÊRELBIDDAG VIR VROU

VRYDAGOGGEND 3 MAART OM 10:00 BY NG LYTTTELTON-NOORD

Aksie Twee+



'n Bediening gefokus op jonggetroudes en gesinne met jong kinders

Byeenkomsdatums:

26 Februarie 2006

Spreker: Dr Elsie Caltiz

Tema: Die breinontwikkeling van die kind

26 Maart 2006

Spreker: Ds Abel Pienaar (Huweliksberader)

Tema: Harmonie in die huwelik

Elke byeenkoms word afgesluit met 'n lekker saam-kuier bring-en-braai-eie drinkgoed, vleis en eetgerei.

GEBEDSBEDIENING

Indien u wil help om 'n omvattende gebedsbediening in die gemeente te vestig, skakel Hannelie du Preez (082-908-3992)



Kry M.E.E.R. uit die lewe!

Motivering, Energie, Entoesiasme, Rekreasie

Geleenthede om 'n verskil te maak

Ouderling / Diaken

Bou 'n verhouding met 'n paar huisgesinne en gee vir hulle om.
1 uur per week

Inligtingstafel

Wees deel van 'n span wat mekaar afwissel by 'n weeklikse inligtingstafel tussen die twee eredienste. Gee inligting oor die gemeente se aktiwiteite aan lidmate en belangstellendes en help nuwe en voornemende lidmate.
1 uur per week / maand

Nuwe Intrekkerbediening

Help almal (nie net NG mense nie) wat nuut intrek in ons gemeenskap om welkom en tuis te voel deur inligting oor hulpbronne in die gemeenskap (dokters, apteke, winkels ens.) deur te gee.
2 ure per maand

Aksie Twee +

Dit is 'n aksie wat gemik is op gesinne met geen of jong kinders (voorskools of op laerskool).

Reël huwelik- en ouerseminare en sprekers oor relevante onderwerpe ens. Help om hierdie aksie op die been te bring.

Klub Immergroen

Besoek en bedien op 'n gereelde basis ons senior lidmate / help met die reël van oggendtees en 'n kersete. Kontak Gerty Basson by 664-2433.

Kleingroepe

Voel jy geroepe om te begin met 'n kleingroep (nie noodwendig net vir lidmate nie)? Stuur onmiddelik 'n e-pos aan lyttoos@mweb.co.za

Tienierbediening - Mentor

Bou 'n verhouding met 'n groep tieners en help om die Here beter te ken, die lewe beter te verstaan en tuis te voel in die gemeente.
2 ure per week

Kinderkerk

Help met die aanbieding van die kinderkerk elke Sondag vir die kleuters / Gr 1-3 / Gr 4-6.
2 ure per week

Helpmekaar Bediening

Help om 'n bediening te bou waar lidmate hulle gawes / talente en vermoëns vir mekaar beskikbaar stel.
2 ure per week (aanvanklik totdat bediening op die been is.)

Aksie Een

Dit is 'n aksie wat gemik is op enkellopendes van enige ouderdom. Reël byeenkomste en seminare of kampe met sprekers oor relevante onderwerpe. Help om hierdie aksie op die been te bring.

Eredienswerkgroep

Help met die beplanning van ons eredienste deur navorsing, bespreking, ontwikkeling van visuele aanbiedings, kort dramsketse, die inwin van mense se stories (getuïenisse), sang en musiek. Hierdie groep kom gereeld elke Donderdagaand om 20:30 by Krugerlaan 105 bymekaar op 'n vrywillige en spontane basis. Die groep is nie geslote nie. Enigeen wat insette wil lewer is welkom.

Indien jy op een of meer van die maniere hierbo genoem 'n verskil wil maak, stuur 'n e-pos aan lyttoos@mweb.co.za

Inligting oor ander bedieninge is hier te vind

BELANGRIKE DATUMS - SLEEP JOU DAGBOEK NADER

12 Februarie

19:00 Mosaïek

15 Februarie

19:00 Kerkraadsvergadering

19 Februarie

12:00 Blokbyeenkoms Blok 1

(Kloofsig, Tek-basis, LMB,

Trichardtweg tot Molteno)

25 Februarie

10:00 Damesoggend

1 Maart

Lewe-in-oorvloed veldtog skop af

19:00 Nagmaal

8 Maart

19:00 Bedieningskommissievergadering (Adoramus skuif na 15 Maart)

15 Maart

20:00 Adoramus (skuif vanaf 8 Maart hierheen)

22 Maart

19:00 Diakonievergadering

19 Maart

KAF vergadering

9 Augustus

PARKNAVAL

Het u dalk hulp nodig? Ons help graag waar ons kan. Klik op die pyltjie om sien waarmee ons ons kan help



'n Bietjie humor:

In Amerika kan burgers verwag om een of ander tyd diens as jurielid te doen. 'n Vrou wat opgeroep is daarvoor het dit probeer ontduik deur te sê dat sy nie geskik is nie aangesien sy teen die doodstraf is en dat sy dus nie objektief sal wees nie.

Sy is egter die versekering gegee dat die betrokke saak nie die doodstraf behels nie maar 'n siviele saak is: 'n vrou stel 'n eis teen haar man in omdat hy \$12000 wat bedoel is vir 'n nuwe kombuis uitgedobbel het.

"O", sê die vrou. "Dalk sal ek in hierdie geval tog my standpunt oor die doodstraf verander!"

Volledige program hier

LEWE-IN-OORVLOED - 40 DAE FOKUSTYE

'n Oorvloedige lewe is 'n lewe wat oorstroom van liefde, vrede en vreugde. Dis 'n lewe wat baie vrugte dra (Joh 15:8); 'n ryk, vol lewe wat sin maak en betekenis het. Baie mense kies om 'n saai lewe te leef wat op die ou end geen waarde het nie. Hoekom dan so 'n lewe leef as die Here vir ons soveel méér in gedagte het? Kom ontdek in drie fokus-tye van 40 dae elk wat dit beteken om 'n lewe-in-oorstroom te leef! (Joh 10:10)

Vir 'n boom om vrugte te dra is daar 'n klomp dinge nodig - maar eerstens 'n sterk wortelsstelsel. As ons wil vrugte dra moet ons sterk geanker wees aan drie wortels:

- ♦ ons verhouding met ons Hemelse Vader,
- ♦ ons verhouding met mekaar as lede van die liggaam van Christus, en
- ♦ ons verhouding met ander mense wat nie die liefde van God ken nie.

GELEENTHEID VIR GEESTELIKE GROEI

Tydens drie fokus-tye van 40 dae elk gaan ons hierdie jaar aandag gee aan hierdie drie verhoudings. Kan jy jou voorstel watter geestelike groei gaan jy beleef as jy ten volle deel van hierdie drie fokus-tye is?

AFSKOP

Die afskop vir al drie tye is Woensdag 1 Maart om 19:00'n nagmaalsgeleentheid. Tydens hierdie geleentheid sal ons 'n gesamentlike verbintenis maak om te volhard tydens hierdie drie fokus-tye en soveel van ons aandag, tyd en energie daaraan te wy as wat nodig is.

WAT GAAN DIT VAN MY VERG?

- ♦ Bywoning van ten minste een van die eredienste elke Sondag gedurende die fokus-tye.
- ♦ Bywoning van 'n klein-groep bespreking gedurende die week.
- ♦ Daaglikse oordenking tydens jou stiltetyd

Nie een van hierdie aktiwiteite is verpligtend nie maar deelname aan al drie sal beslis voordelig wees vir jou, geestelike gesproke. Die idee is om vir 'n sekere tyd lank werklik te fokus op 'n bepaalde aspek. Om in hierdie tyd soveel as moontlik aandag en energie aan iets te wy het groot waarde.

HOE KAN EK HELP?

Miskien gryp hierdie veldtog jou so aan dat jy graag op ander manier betrokke wil raak om ander te help om die meeste daaruit te kry. Jy kan op die volgende manier 'n baie waardevolle bydrae lewer:

Wees deel van die gebedspan elke Sondagoggend om 09:00 tydens die eerste erediens. Hierdie gebedspan woon dan saam die tweede erediens by.

Help met die ontwerp van die eredienste - PowerPoint aanbiedings, preekinhoud (stories, illustrasies), versierings/ blomme, ens.

Help met die verspreiding van die dagstukkies-blaadjies en ander materiaal.

Stel jou huis beskikbaar vir 'n kleingroep byeenkoms.

Wees beskikbaar as 'n gespreksleier vir die kleingroep-bespreking.

Help met die bekenstelling van en kommunikasie oor die fokus-tye.

Help met die ontwerp en opstel van uitstallings oor verwante bediening in die gemeente.

Indien jy belangstel om te help, kontak Freddie Schoeman (664-3751 / 084-581-8139 / fredschoeman@mweb.co.za) so

gou moontlik.

VIR WIE IS DIE BEDOEL

Dit is bedoel vir elke lidmaat maar ons sou graag ook nie-lidmate wat belang stel wil betrek.

Nooi dus gerus u vriende, kennisse en familie uit. Selfs al kan hulle nie die eredienste bywoon nie kan hulle nog steeds baie baat vind by die kleingroepbyeenkomste en die dagstukkies.

'n Aanpassing in ons bedieningspatroon

Ons wil graag die volgende bereik:

- * beter versorging van lidmate
- * meer effektiewe bestuur

Een van die vyf kern-funksies van 'n Bybelse geloofs-gemeenskap is om vir mekaar om te gee en vir mekaar te sorg. (Die ander is: evangelisasie, aanbidding, lering en sending.)

Ons leef tans in 'n tyd waarin dit o.a. vanweë misdaad toenemend noodsaaklik word om na mekaar om te sien. Ten einde dit te doen is ons besig om 'n aanpassing in ons bedieningspatroon aan te bring. Hierdie saak was met die afgelope twee kerkraadsvergaderings op die agenda.

HERINDELING VAN WYKE

Om na mekaar om te sien is dit noodsaaklik om mekaar goed te leer ken. Daarom het ons dit goed gedink om die gemeente te verdeel in vier blokke en elkeen van die vier blokke weer te verdeel in 'n aantal wyke met ongeveer 10 huisgesinne in elke wyk. Elke wyk sal dan deur 'n ouderling en diaken bedien word (asook dienswerkers indien nodig).

Die taak van die ouderling en diaken sal wees om lidmate aan te moedig om na mekaar om te sien.

Inwoners in die blokke sal van tyd tot tyd uitgenooi word om bymekaar te kom sodat ons mekaar kan leer ken. Ook

inwoners wat nie lidmate is nie, sal na hierdie blokbyeenkomste uitgenooi word sodat ons 'n gesamentlike veiligheids-netwerk ('n soort buurwag) kan vorm.

BLOKINDELING

Die blokindeling lyk soos volg:
Blok 1: Trichardtweg - Molteno se noordekant asook Waterkloof LMB, Kloofsig en Tek-basis.
Blok 2: Molteno se suidekant tot Cantonments se noordekant
Blok 3: Cantonments se suidekant tot Stasieweg se noordekant
Blok 4: Stasieweg se suidekant tot Rivierweg asook alle ander buite die grense van die gemeente.

BLOKBYEENKOMSTE

Datums vir blokbyeenkomste is as volg:
Blok 1: 19 Februarie
Blok 2: 5 Maart
Blok 3: 12 Maart
Blok 4: 19 Maart

Al hierdie byeenkomste vind plaas om 12:00 en sal die vorm van 'n bring en braai aanneem.

SKEIDING VAN FUNKSIES

Ten einde die effektiwiteit van die kerkraad te verhoog, is daar besluit om die twee funksies van die kerkraad (bestuur en lidmaatversorging) van mekaar

te skei. Die ouderlinge en diakens wat binne die blokke in wyksverband dien fokus op lidmaatversorging. Hulle sal nie kerkraadsvergaderings hoef by te woon nie hoewel hulle enige tyd welkom sal wees om dit te doen. Hulle moet egter allereers hulle aandag en energie op die lidmate binne hulle wyke fokus.

Die bestuursfunksie van die kerkraad (bedieninge en administrasie) sal waargeneem word deur 'n uitvoerende kerkraad wat deur die kerkraad verkies sal word. Die lede van die uitvoerende kerkraad sal nie in wyke dien nie. Die verkiesing van die uitvoerende kerkraad sal plaasvind tydens die volgende kerkraadsvergadering op 15 Februarie. Tydens hierdie geleentheid moet daar ook 'n voorsitter vir die kerkraad gekies word. Ons verwelkom graag voorstelle hiervoor vanuit die gemeente.

DIENSWERKERS

Huidige dienswerkers word uitgenooi na een van twee besprekingsgeleenthede oor hierdie aanpassing in ons bedieningspatroon. Dit sal plaasvind telkens ná die eerste erediens op 5 en 12 Februarie. Volledig inligting sal deurgegee word. Kerkraadslede is ook welkom om hierdie geleentheid by te woon.